

Հրանտ Նազարյան

ՀՀ սահմանադրական դատարանի անդամ

**ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ  
ՍԱՀՄԱՆԱԴՐԱԿԱՆ ԵՐԱՇԽԻՔՆԵՐԸ ՀԱՅԱՍՏԱՆԻ  
ՀԱՆՐԱՊԵՏՈՒԹՅՈՒՆՈՒՄ**

ՀՀ Սահմանադրության 4 հոդվածին համապատասխան պետության առջև առաջադրված է գերխնդիր՝ ապահովել մարդու իրավունքների և ազատությունների պաշտպանությունը, Սահմանադրության և օրենքների հիման վրա, միջազգային իրավունքի սկզբունքներին և նորմերին համապատասխան: ՀՀ Սահմանադրության երկրորդ գլխում արտացոլված են մարդու և քաղաքացու իրավունքների ու ազատությունների մասին բոլոր հիմնական միջազգային-իրավական նորմերը:

Մարդու սահմանադրական իրավունքների և ազատությունների պաշտպանության երաշխավորվածությունն ապահովող կարելորագույն գործոններից են՝ այդ իրավունքների և ազատությունների իրացման մեխանիզմներն օրենսդրորեն նախատեսելն ու դրանց արդյունավետ գործադրման երաշխավորումը:

Կարելավում է պետության կառավարմանը անմիջականորեն կամ կամքի ազատ արտահայտմամբ ընտրված ներկայացուցիչների միջոցով քաղաքացիների մասնակցության իրավունքը, որն անմիջականորեն բխում է Մարդու իրավունքների համընդհանուր հռչակագրից, Քաղաքացիական իրավունքների մասին միջազգային պակտից:

Դեռևս օրենսդրական կարգավորման չեն ենթարկվել կամ ոչ բավարար են կարգավորվել մարդու և քաղաքացու իրավունքներն ու ազատություններն ամրագրող սահմանադրական որոշ նորմեր (Սահմ. 18, 19, 20, 21, 28, 29, 31, 32, 35, 36, 38, 39, 40, 41 հոդվածներ): Հրամայական է դարձել գործող օրենսդրությունը Սահմանադրությանը համապատասխանեցնելու անհրաժեշտությունը:

Մարդու իրավունքների պաշտպանության երաշխավորվածությունն ապահովող կարելորագույն գործոններից են ինստիտուցիոնալ համակարգի (պետական և հասարակական) բնականոն և ներդաշնակ գործունեության ապահովումը:

Մարդու իրավունքների և ազատությունների պաշտպանության ողջ համակարգը շատ ավելի արդյունավետ կգործեր, եթե ինստիտուցիոնալ պետական և հասարակական համակարգերը սահմանադրորեն գտնվեին հավասարաժեռ դիրքերում:

Մարդու իրավունքների պաշտպանության ինստիտուցիոնալ պետական համակարգի կարելորագույն ինստիտուտներն են. ՀՀ Նախագահը, Ազգային ժողովը, ՀՀ կառավարությունը, դատական մարմինները:

ՀՀ Սահմանադրության 49 հոդվածում ամրագրված, ինչպես նաև ՀՀ Նախագահի մի շարք այլ լիազորությունների գործադրման մեխանիզմներ գործող օրենսդրությամբ նախատեսված չեն:

Մարդու իրավունքների և ազատությունների պաշտպանության ինստիտուցիոնալ պետական համակարգի հաջորդ կարելորագույն ինստիտուտը Ազգային ժողովն է, որի օրինաստեղծ աշխատանքի արդյունավետությունից է կախված նաև մարդու սահմանադրական իրավունքների և ազատությունների իրացման արդյունավետու-

ՍԱՀՄԱՆԱԴՐԱԿԱՆ ԴԱՏԱՐԱՆ ♦ 5 . 1997 ♦ ՏԵՂԵԿՎՈՐ

## ՁԵԿՈՒՑՈՒՄՆԵՐԻ ՀԱՄԱՌՈՏԱԳՐԵՐ

թյունը:

Մարդու իրավունքների պաշտպանության բնագավառում կառավարության առջև դրված հիմնախնդիրները կարելի է դասակարգել հետևյալ հաջորդականությամբ.

1. կառավարման ոլորտում կառուցվածքային բարեփոխումների իրականացում
2. օրենսդրական բազայի ընդլայնում:

Դատական իշխանության ոլորտում չլուծված հիմնահարցերը առավել քան շատ են: Սահմանադրության 35 հոդվածի կարգով դատավորների նշանակման հարցում հավասարակշռված չեն ՀՀ Նախագահի, օրենսդիր եւ գործադիր մարմինների դերը: ՀՀ Նախագահի՝ որպես դատական մարմինների անկախության երաշխավորի վերաբերյալ Սահմանադրության 94 հոդվածի դրույթը խիստ միակողմանի է ամրագրել դատական իշխանության անկախության սկզբունքը: Վիճահարույց է նաեւ դատավորների նշանակման ցուցակային մեխանիզմը:

Իրավական, ժողովրդավարական պետության կառուցման միասնական մոդել գոյություն չունի: Հայաստանի պարագայում լավագույն լուծումն այն է, որ Սահմանադրության շրջանակներում ապահովվի պետական եւ հասարակական ինստիտուցիոնալ համակարգերի ներդաշնակ մեխանիզմներ:



Այցելություն մատենադարան: